





原序

詩莫盛於唐而應舉之詩之工者亦罕矣其傳者率與寄高遠卽目以自鳴不假是以梯榮特激於其才之不能忍而然也今之取士不以詩其業詩者宜若無他好而工焉者亦鮮何也蓋仍疲於應舉之文而旣得之也又有急者焉胸中如是詩安得有情吾友大臨亦有事於應舉之文矣然不求苟得不取悅落落自盡意而其所好者尤在詩夫落落於其進取之具而況於其詩宜其極才而盡變也比領鄉薦贄行卷者皆以文大臨之文故殊顧曰吾獨有詩詩又不肯多出出其一二又不以干諸公之有氣力者而問序於余其趣往往別也余



不能知詩而諷味環周於大臨之詩蓋筋力於漢魏以
來不沾沾於規撫唐而亦無意於矯之要其志趣自高
如朱子所謂洗滌腸胃間葷血脂膏而芳潤易入也余
謂此亦何獨詩大要必有事外遠致乃能善其事爾絕
迹則自神遠俗定入細也應舉者如無科目能詩者如
無題辦事者如無事居官者如無官以此復我大臨以
爲如何也慕廬韓莢序

乙未亭詩集卷一

長洲 徐 昂發 大臨

寓懷

鬱林產香草花葉耀莫春采采將遺誰后王嚴郊裡守
臣負筐篚拜手天階陳梧杵勤畚揄黑柅調芳辛虎彝
藉玉舟報魄在所珍豈非草木華可以交明神遇合苟
無媒桑七何由親裴徊蕭籟間用敢告鬯人
水澤散魚子么膺不足治變作介蟲孽築翅羣遊嬉秋
露既以降秋苗何離披農家甌羶香轉盼玉粒炊食心
螟潛引食葉騰復孳葉壞尚堪護心蝨誰能持宿夕頓
枯萎束藁供牛齧悲哉么膺物萬夫受其饑

雁從河北來哀鳴意悲吒骨瘦毛翮健畢杙虛撐架東
吳杭稻鄉滿地堆殘穢飲啄過三冬北嚮度河汭腸滿
無力飛銜蘆血如瀉上有老鷲拳下有虞人犯路長懼
不免傳更鬧昏夜翻羨骨瘦時高飛脫彈射

青蘋產土中白蘋產水面產水願水深柔莖布如綫產
土戀土膏碧葉光欲眩類同根塢殊相望莫相羨一懷
翦伐憂一抱漂汨患漂汨會作泥翦伐那免變憂患雖
自防位置終難變付與夙已定達節奚歆援

山麝愛其香山獠愛其尾奈何惡少年憑高縱毒矢尾
以錯錦繡香以和蘭芷貪夫方走利獠麝焉逃死剔香
香臍裂齧尾尾血紫無用乃福先多才固禍始鄉有白

額牛家有亢鼻豕巫祝棄不收茲焉辨天咫

咄嗟手中斧本是犍為鐵躍冶鑄初就鎚刃何撒烈老
檜蟠虬螭孤松飽霜雪無端遭斬艾節斷根流血斬艾
日以多鎚刃日以缺擲置甕牖邊繡澀苔花結年深化
為土螻螳移窟穴賊物還自戕精氣永淪滅

豪鷹方搏擊神王氣雄武碧眼橫清秋鋒稜插勁羽查
查羣鴉噪飲啄正翔舞赤絛解錦鞬脫若箭離弩慘壑
迴颺吹悲臺斜日吐撒烈落瘦影羣鴉駢首虜震威憑
攫網雨血灑林莽天鳥呼叢祠鴉死終無補

孤松生中庭鬱鬱三丈強但守礪砢節碧葉冬不黃年
深根塢壤中路改故常枝柯忽濡毳橐鄂紛低昂人言

此瑞應梧桐來鳳凰鳳凰渺何處歲莫摧嚴霜迴風掣
霹靂根拔碎仆僵雖含雲門曲作屋非棟梁

京洛多豪家甲第排空起結構曾幾時梁柱產白螿白
螿無君臣營營長孫子藻井懸綠房雲綵刻丹綺外完
中已朽穿蝨作奸宄一朝忽颺去大厦坳然圯何不買
竹雞盛置雕籠裏一鳴羣螿伏再鳴羣螿死

西鄰種橘柚東鄰種蒺藜抱甕歷春夏澆漑亦已疲橘
柚羅前榮滿目瀟湘姿鳳味銜丹實來掛碧玉枝蒺藜
空蔓延密刺排刀錐豈無結實候臙臙芒角垂勸君慎
采擷采擷傷君肌種樹種芒刺永爲西鄰嗤

艾蘭設檻穿椽杙張網羅中央置由鹿卽鹿山之阿銜

蒿求其曹麋鹿羣相過轉瞬禍機發死鹿連車馱鹿死
死由鹿積筭丘陵多眼覩烹醢恻悲鳴淚滂沱悲鳴復
奚益能救死鹿那明日卽鹿處由鹿還尋戈

次韻和惠研谿先生紅豆詞十首

南國風流在一枝倚誰憐惜號相思東風傳與佳人曲
銀甲輕彈淥水絲

玉瘦香銷倚畫樓征人萬里海西頭紅文新斲杪檀木
彈出孤凰舞鏡愁

閒向南園坐晚風衰蟬聲咽管絃空龜年縱在傷流客
忍對殘陽半樹紅

珊瑚火齊綴參差說向遊人那得知不比東風凡草木

乙未年詩集卷一
三
挽留燕子與鶯兒

黃甘絳帕傳佳會紫酒金螺醉合歡蜀女獨憐紅豆顆
要將纖手點拌餐

新傳面藥似丹砂雙臉芙蓉鬪曉霞閒笑北州兒女子
采香和雪呪桃花

風脚掀簾雨織絲絳珠零落斷腸時翻嫌草木多情甚
莫把無情怨阿誰

角巾拂袖歸江左銅狄携盤出漢宮故國誰憐紅豆在
絳雲煙燼泣衰翁

花發愁心一寸灰珠簾犀押上青苔吳姬要識相思子
好護辛夸五尺栽

白羽花歌銀櫛墮青裳草妬碧羣新輸他玉唾壺中淚
點出紅珠一樹春

柳

濛濛金粉曳絲長澹澹東風拂面香萬里關心添別淚
一春閒夢托斜陽煙中小市逢寒食鏡裏飛花撲晚粧
長記綠濃如畫處垂條拗得絆兒央

爲有春風怨玉簫江南是處拂長條多愁人嫁娉婷市
送遠車迴宛轉橋月影半沉煙冪冪鶯聲不斷雨瀟瀟
可憐張緒才名減贏得風流似舞腰

春陰漠漠覆江城遠近朦朧碧葉輕長恐彫殘逢歲莫
不辭攀折送人行青旗細雨翻斜燕小院東風閣睡鶯

乙未亭詩集卷一
四
罨畫千條濃撲地蘇家門巷不分明

樂天老去解尋歡樓上楊枝別最難眉黛試描嫌鏡蹙
腰支臨舞覺風寒一春脈脈啼濃露盡日垂垂拂畫欄
欲識人間攀折苦永豐西角幾枝殘

惹霧籠煙障碧紗可憐長是占年華渡頭帆過千株亂
樓角風來一面斜葉為多情曾似眼絮綠無賴不成花
差池到得清秋後莫道錢唐勝館娃

乳燕鳴鳩各自忙小條如畫恰扶墻戎戎雨檻迷碁道
豔豔晴天覆笛床翠帶盤雲遙贈叔青絲繫馬苦留卽
春風著意相擡舉莫放黏天絮雪狂

不是煙籠丈八溝便看婀娜拂珠樓輕陰漏日微遮而

軟綠搖風亂打頭春盡佳人眉勢斂天邊宕子簾聲愁
纖柔容易成搖落爭耐繁霜到九秋

誰製新聲贈別離東風搖蕩綠煙絲銅駝陌上經秋折
兮武湖邊盡日垂歌輒奈何愁不見樹猶如此悔相思
德華舊曲傳囉噴試唱儂家楊柳枝

集顧十一俠君秀埜草堂分賦得紅梅閣歌

紅梅閣宋殿中丞吳感所居吳有侍兒紅梅絕愛
幸之因以名閣復作折紅梅詞以寓意事具范至
能吳郡志

東風初嫁萼綠華輕綃衣袂裁頰霞月明倚樹弄清影
酒香黏蕊開仙葩小市橋西殿丞宅淺紅踈點枝橫斜

明肌濯露態微暈，于平切顏刻玉瑩，無瑕中央，突兀構高閣，瑣寮珠網，千重遮低捲，湘簾漏朝旭，珊瑚鈎曳金蝦蟇，碧欄斜擁靚妝，出釵茸翡翠，搖瓊牙，鸚鵡前頭呼小字，名姬姪姹，如花閒來，却扇向花坐，兩兩嫩頰，燕支搽，柳枝侍兒，護草婢漫將，黛筆描雙鴉，誰似花枝，映舞袖，濃纖莫辨，鎚銖差風流，迭宕吳公子，宿世久餌芙蓉砂，多情來作紅梅伴，閣中春色，爭傳誇好事，題詩投艷句，門前常繫玉鼻騮，荔支杯，溫竹葉碧，折梅新曲，翻琵琶，纖腰赴節，催疊板，蒲陶覆錦，蹲蠻鞞，蠟鳳銜宵，難畫燭，沉沉香霧，融窗紗，曲終花落，翠眉老，打團蠶，蝶穿鄰家。

江邊曉望

白露粘天水，勢驕荒洲蘆，荻自蕭蕭，五更酒醒，百憂集孤艇，夢回千里，遙蟲響斷，時秋過，雨月明，多處夜吹簫，江城鐵甕看如許，滿眼寒蕪打怒潮。

渡江三首

大江流不息，蒼莽日夜東，嗑吸轉潮汐，光怪騰蜺虹，浮玉拔靈島，石牌琢神工，當其鑪鞴時，一氣迴鴻濛，鼉鼉闕窟宅，鮫蜃排虛空，盤渦立似象，弱浪高於蓬，顛倒出日月，敲磔聞雷風，若疑地軸斷，森若天池通，舟航忽不戒，咫尺埋幽宮，我何數此行，擊楫洪濤中。

清朝靜無風，襞浪片颿直，日脚千里黃，海氣半天黑，金

山如巢車蛟螭控輪軼長江轟渴來萬馬忽迴勒旋波
怒騰踔水腹中圻副龍驤十丈蓬瞥若鴛蹄踣願借祖
龍鞭驅置江岼北不惜石流血務欲平嶮仄榜人畫攤
錢揚舸過溝洫結念雖區區移山豈吾力

曉乘長潮來江面展圖畫織羅靜不翻文瀾壘方罨曠
息片雲黑旋風忽流喝駮駮涌雪山圾垃鼓冶排掉舌
舞陰罟跨馬走水怪長年捩施號捲沫打衣袂掀簸出
波心下免鼉鼉喙却愛滕元發萬事胸不掛顛風江斷
渡扁舟破澎湃負負胡可言高呼浪瀟拜

揚州

木鵝沉處錦颿斜隋氏離宮接暮霞辱井有魂翻玉樹

仙都無夢餉金蛇羣繅禹穴千年繭鏡湧迷樓萬朶花
莫向吳公臺上望江南江北總無家

十載揚州好夢賒文章杜牧占繁華偶來秋水芙蓉幕
恣看春風豆蔻花帳底離情微泣淚眼中密意小迴車
只應司馬邨頭冢把與雷塘香土遮

四鎮功名歎忽淪延和高閣醮仙真思驂鶴轡收風實
細舞霓裳蹋月輪院裏吹簫秦駙馬堦前說劍聶夫人
可憐鷓子翻城後亥女兵符不救身

欄檻層層俯薜蘿文章太守昔經過花爭幕下紅妝豔
山借江南翠黛多酒拍玉船添畫燭香籠繡毯試蠻鞞
春風楊柳垂垂綠腸斷蘇公一曲歌

過高郵作

濤聲翻擊撞水勢怒奔躍蕩涵日光暗慘黯天色惡長
橋何蜿蜒旋渦屢迴卻靡靡蒹葭披站站烏鳶落往者
狂流潰駭若强弩曠婦子魚頭生畜牧鱷尾掠桑麻骨
髓衣沙礫爛蠶箔萬頃鄴豹田千秋白丹壑哀彼七縣
人罹此一朝虐茫茫慟哭悲隱隱波濤作嘗聞治河策
久厘明堂略詎糜太府錢翻成塞齒博賈讓疏誰獻張
戎論宜拓何時鳩鵲形重返絲穀樂九關吾欲呼民言
古所酌

阻風

風起江色惡孤篷卸汀瀨浪花飛電雨草樹舞旌旆乖

龍怒躩躍妖蜩喜奔會日掛羣山均天清積水外荒戍
斷人煙寒谿瘦蒿蕪赤鯁那可义白酒從誰丐入夜霾
霧昏當空星斗大風搜石罅鳴波掀沙角壞檣烏宿更
起江月明復盞吾行固已定安問山節蔡

風不止

烈風何時休礮雲晚更作黑浪拜江豚雄雷拔山腳桅
竿矗影瘦蒯纜憂力弱舟師互傳呼客子但眙聊醇酎
不可致醞酢亦虛酌愁腸轉輪轂燥吻裂齟齬隣舟叩
何有淹魚類枯籜雜投乏萍韭薌芼廢勺藥艸艸誑空
腹沉沉聽昏柝斷碑蹲似鬼折篠鳴如籥孤犬時狺狺
驚烏頻霍霍不眠遂達曙造物真嘲噱

淮陰侯釣臺

木落荒原水氣昏
英雄漁釣跡猶存
蒯通不售三分策
漂母長留一飯恩
人歎老成知國士
天哀女子殺王孫
弓藏兔死由來事
只合終身淮上村

漂母墓

英雄不得志飄泊
此江村流涕王孫飯
傷心老母言識
高寧望報身賤欲
酌恩千古窮人淚
爭澆衰艸原
老人期孺子漂母食
王孫辟穀全身哲
求齊盡族冤丈
夫才不晦女子意
徒温鐘室悲風起
終辜一飯恩

奉題中允公耘圃四首次錢飲光先生韻

遺榮遊物外清景
栗園偏選樹安茶
白修筒引石泉人

生行樂耳公意更蕭然
盡日相隨住蒲茸鷗鷺邊

懶響頻衝岬鷺飛
不出林石窪量酒貯
漈帖倚窗臨簾
蕩花陰捲池喧荷氣
深濠梁渾在眼遙識
古人心

甃溝承瀑落植援借
松遮客到鷺三請壺
乾酒再賒風
庭堆落子露架倒殘
花長怪藤梢密相逢
子美家

石磴鈎連去泉源
窈窕通藝蘭邀楚客
相鶴問山翁粉
戶虛排月松廊曲引
風曉寒殘雪裏橘酒
湛微紅

述學校五十八韻

先王制禮樂學校惟
宏綱左右各有次
南北不一方四
代學固殊教亦冬
春更擇賢爲士師
柔養使自臧匏簧
歛雅頌盤辟執篚
筐業精文而明器
備温且剗磨揉速

躁心優游埃其成周衰王道缺塗澤事采章易象六代
樂誇示於客卿學官與弟子器習義則亡有識隱山澤
六經自携將足不出庭戶聖道鼓雷礮諸生就習禮絃
歌滿廡廊當時稱極盛鄒嶧西河鄉永平置辟雍番尼
爭受經太平飾榮觀庠序卒未宏文皇崇先聖闕里專
祭祊皇族及郡國橫舍增千廂七營飛騎衛生徒列成
行開元毀先典道舉歎雜龐宋世學具設熠然文治昌
師嚴道廼尊立法蘇湖良廣內賜九經睢嶽廬嵩陽耆
儒隱不仕若揚孫穎常舉命教本州薰德多才英養賢
體既肅喻學術益詳士負不學耻顏厚穎有漿沿流逮
有元餘韻猶錚錚書院山長設壹以德行揚斯風漸漸

滅聖道誰翼匡師既弗暇擇幽室嗟俚俚博士空倚席
弟子徒面墻矧乃資格破敝笥縣魚梁臯比設講座三
揖升貲郎用頑以治哲用闇以訓明譬如飾瓦鬻而欲
凌球璋其號稱職者帖括爲士程亂似鼃蛤吠細若蠅
蚓鳴豈知咸莖奏拊翼交鸞皇在昔立學初制義何深
長上以事鬼神習射嚴禘嘗下以治眚庶養老先農桑
內以正表著賢能筮冠裳外以肅軍旅撻伐威氏羗師
也君弗臣聽語施之邦下暨甸侯服州豫鄉有堂大夫
士既老歸教職所當德藝爲種耨棘寄爲堤坊殺人亦
有禮臨喪不復翔閭閻何秋秋叔世那可望小言最破
道枝葉紛披猖厥始作蝨蝎末乃尋斧斨狂飈一以擣

制度胥淪喪後世所沿襲太倉餘粟芒何異測海蠡不
啻告朔羊謹守懼失墜尚或譏愆忘明堂高峨峨辟雍
水泚泚誰定太常議三古追頡頏

送顧十于克北上次留別原韻三首

碣石金臺賦壯遊酒篝迴首動離愁半江颿影郵籤暮
萬樹蟬聲野店秋風度慣梳王儉髻疎狂徑上賀循舟
牌亭窄地垂楊碧牢繫雙橈不肯留

熱行千里莫輕嘲平地看君蹋鳳巢下總輸王粲賦
山東舊倚鄭莊交衣侵殘雨虹收點鞭礙垂陽月閣梢
聞道斗南裁薦牘草堂猿鶴暫須拋

旅館輪蹄看糾紛只緣名字舊知聞但須口飲袁絲酒
莫作頭憎子羽文紅頰映花垂紫裏皂雕盤雀沒黃雲
知君走馬逢迎處說劍聽歌過夜分

湖鄉雜興

閒身已分老幽棲漁子頭銜好自題花巷穿風隨蝶舞
柳陰調管畚鶯啼

茸茸葭莢綠泔汀收網歸來晚市腥濃淡樹頭初過雨
東亭煙起接西亭

殘月艖中曉霧沾野航入市尾相拊紛紛陌上青裙女
瓦罐提油箸裹鹽

處處笙歌賽社忙醉餘着屨向橫塘鐙臺草秀釵茸碧
豆莢花翻蝶翅香

瓜蔓波生浸碧雲
縲車搖雪夜相聞
吳蠶若有風流分
抽出新絲織舞裙

長條拂帽柳依依
行到溪橋望落暉
水面老魚迎棹立
簷頭雌燕領雛飛
顆顆櫻桃赤似脣
青梅如豆已生仁
晚來閒向溪頭立
只見楊花不見人

黃梅二首次俞旅農韻

蕭蕭梅雨落角角
野鷄鳴酒暈添羅袖
絃絲脫畫箏水
吞通市路溪亂擲
眾聲濕霧連朝暗
堂陰毒菌生
粘空梅水漲結塊
野雲吹沙沒牛移
舍魚驚獺入池柳
眠風葉捲花顫雨
枝垂盡日香篝畔
偏於病酒宜

秋日村居

春霑麥種壞秋早
稻花傷人合逢饑
饑天非悖雨暘倚
墻秧馬倒激浪水
車忙辛苦灣頭叟
笠簪活計荒
戎戎濕霧起袞袞
薄雲收蟹椹青鐙
晚魚梁白鷺秋短
衣裁楚製長笛應
吳謳養拙荒村上
頭銜是醉侯

題朱文益月波吹籟圖歌

湖波鱗鱗絕翠綃
湖光暈綠春風搖
畫樓倒影漾金粉
采菱人豔窺紗寮
樓前一聲紫玉裂
亂雲脫壞開青霄
老魚磔鬚衝水面
銀杆千點明珠跳
練帶公子花映肉
篋牕小眼乘吳舫
香塗兩頰微渦起
輕衫色染紅蒲陶
倚櫂中流作三弄
涼蟾滴露翻斗杓
碧霞擁襪鮫女出

璠瑄擘鳳聲和調長洪水繞黃樓下把琰擲籩橫雙橈
蘇公死後六百載羽衣竚立誰相招展卷一笑記彷彿
瑠瓊崩嵌當清宵風流衣鉢寫粉本水仙蓮瓣隨春潮
我懷尺絹欲搨南湖去鴛鴦拂鏡鳴蘭苕

王烈婦

休寧王烈婦姓程氏十九而嫠事姑以孝聞甲申
乙酉間盜賊大起婦奉姑避亂山中間行遇賊賊
拔刀劫姑以逼婦婦抱持其姑罵賊甚厲賊怒支
解之鄉人立廟祀焉

黑山初鼓亂白嶽漫纏妖林暗鴝鷓語天荒豺虎驕死
心甘碎骨生氣薄曾霄吾作迎神曲幽魂或可招

逐鹿遭陽扈揭竿開禍樞老姑猶飲血新婦願捐軀青
史久相待蒼天不可呼死貞終廟食盜賊爾何愚

日月還依舊孤芳自典刑血旌崖石紫廟配嶺楓青撰
轡蘭旄颭傳芭孔蓋停幽魂誰共語湘瑟雨冥冥

春游四首次張三日容韻

窄袖輕衫上畫橈良朋端不費招邀碧桃十里遊人路
官柳三停賣酒橋濃澹花陰分蝶護斷連籩響借鶯調
憑誰爲報春風道莫放紅英袞袞飄

好山鬢鬢水潏潏淡日烘開雨後春槎下絳鈎浮縮項
沙中乳子唼重脣欲眠柳待停車客半落花迎鬪草人
一掌江南佳麗地儘將絲管鬧芳辰

春光淡沓落沙天簇簇遊人度鏡邊波映淺紅停叱撥
樹垂濃綠颺秋千銜魚燕並蘭橈過馱粉蜂和柳絮圓
最是可憐歌緩緩夕陽明向畫樓穿

九十花期取次排料量春事爲春差好風抵酒微澆面
芳草拖裙半沒鞦火鳳艷歌搖畫燭櫻桃殘夢妒金釵
滿身飛絮歸來晚璧月如杼出水涯

雜題舍弟穉均山水畫卷六首

穆穆細雨落巖花來訪幽人一徑斜石氣翠生宗炳榻
樹陰濃覆謝敷家
到處浮家作遠遊梧鐺隨分占風流青山一角湖三面
着我魚鱗細篋舟

雲轉山腰水駛灘蘆簾小閣對江寒中間容取維摩住
無數江山一榻寬

葑溪卜築擬它年菱芡魚蝦不取錢展鏡花連湖上宅
鳴榔人坐月中船

老漁隱隱菰蒲語沙衍微茫天欲曙山空林靜浦口深
白雲渡水輕於絮

橋橫獨木人呼渡樹卧空庭葉作堆水鴨向船鳴不住
斜風捲雨透艙來

乙未亭詩集卷一

乙未亭詩集卷二

題畫四首

護

長洲 徐昂發 大臨

草是忘憂種花長蠲忿開小人母老矣分乞北堂栽

鵲鴿

我亦離家久急難意若何春風原草綠羨汝作雙過

夜合

東風花信遍郎馬幾時回夜合應相笑花開夜夜開

山鷄

苦說文章好雕籠不放飛莫臨明鏡舞誤爾是毛衣

百花洲

夾岼垂垂柳汀洲舊得名畫橋春漲合朱閣繡簾輕初
日承鴛瓦層瀾蕩水精芷蘭低蕊簇桃杏遠枝撐木末
青帘颭灘腰烏榜迎花光通鳥路人語出波聲好事徵
歌去遨頭載酒行雁行箏柱促螺粉黛山橫脉脉花粘
髓摇摇意作旌骰拌閒賭雉翠釜貫調鯖檀拍紅鹽曲
雕船碧玉觥羅裙將裏鴨金彈誤拋鶯歛灩霞紋散參
差漏板鳴桂橈猶軋軋蘭燭尚晶晶千載淒涼地三春
羅綺情荒臺榛莽積舊苑管絃清溪水元通塹吳峰故
繞城典衣招我友明日及新晴

城南三首次宋五嘉升韻

滄波日夕變新畝往事茫茫劫火餘寶劍乘雷歸碧落
金鳧照夜出幽墟水村燒紙迎梅福漁艇吹簫賽伍胥
楊柳黃眠蒲紫立祇應隨地着吾廬
漢室曹瞞是獍梟猊兒年少欲橫挑刀圍玉帳觴公瑾
花簇珠屏舞大喬水上神書纔息燄牀頭明鏡旋生妖
蟠龍門外牛羊墓蕎麥粘天似雪飄
東風倚棹木蘭舫舊事淮張剩野蒿人弔夕陽花作雨
烏啼初月水沉篙江陵故老憐蕭銑隴首荒宮記隗囂
亡國有魂歸不得駮狼衡海漫呼號

題吳超士春渚獨坐圖歌

編舟昔截鷺脰湖扣舷絕叫驚鷺鳧鷄鳴狗吠應浦溆

老漁被衲攢眉眾斷橋朽柱篙眼亂檝頭單漿聞招呼
弱柳低眠老松立彷彿下有幽人廬先生寄跡湖近遠
蚶田蟹舍辦薄租任懷通脫比漫叟著論蘊憤摹潛夫
槿駢紅蕊花作壁橘籊碧醞香衡壺有時獨坐沙觜上
白雲散盡蒼山孤驚魚趁水擘面起釣竿擊斷青珊瑚
袖中閒展冰雪卷玃璣似走馮巨珠江無人空歎息
粘天翠浪搖風蒲舊遊不理已十載畫肚暗背營丘圖
秋來欲借放鴨艇就君酤酒烹鮮鱸

過大慈寺

紫袷霑微露斜穿石徑中谿迴花不盡峰斷澗遙通茶
竈家家火山鶻葉葉風

陽山特多山鶻俗名石軸花

支公留舊隱撥路欸

茆蓬

偕大慈補公遊岳園

朝從遠公出着屨恣幽尋一徑向花霧衆溪藏竹陰茶
香甌潑乳筍細玉抽簪風勒奔泉響璆然沉雅琴

自岳園過西白龍寺遇雨

山午鬧鳴鳩敲門下竹兜谿迴還入寺雲出便沉樓楮
老生黃菌松高結翠球回看樵徑滅疎雨暝如秋

龍母祠

髣髴明神降鱗鱗小殿中湘娥裁玉佩月姊織香葱壁
吼青鬣雨旗翻赤鯉風山農喧鼓笛載酒酌幽宮

祠後即龍母塚

晉柏

幹拔相拏攫枝迴自屈盤乖龍鱗甲蛻老鳳羽毛殘皮
蝕銅花暈筋纏蚺影寒羨他閑草木曾識晉衣冠

上巳陪汪隸園吉士彭瞻庭編修泛舟山塘分

得麗字

江水碧於雲春山亂若薺蘭棹斜衝香荇開蒲帆半倚
東風銳恰是棠梨寒食天紗衣羅扇還修禊主人勸客
頗黎春螺琰銀梓自佳麗推篷瀉入明鏡光羣峰倒影
搖青髻花朵如釵紫蝶銜波鱗沒鄰行人揭依依挨柁
出山塘破鼻花香沙路霽赤欄橋畔酒旗翻白鷺灘頭
絲絃繫何處清歌切碧霄杪檀小板琵琶候斷腸人載
油壁車一路鶯聲官柳細紅裙取醉非吾事曲磧幽巖

欣一憇況從仙老侍琴壺嘲談騷雅爬根蒂打漿迴船
夕氣昏新月梢梢墮衫袂主人續剪樺燭煙壓酒甘酸
粲蕉荔官鼓初過漏板鳴藏鈎更賭芎薺謎歌斜醉眼
眩紅綠亂襞蠻牋寫清製樽前回首真嫌墳柘枝紫衷
今荒碣明朝風雨却獨來滿地落花誰奠瘞

過平望追次范石湖韻

波面捲踈雨篷脚挨斜陽溪沉水葉紫蝶嗅畦花黃墩
樓鴉奪巢野渡兒鳴榔石罅銀鯨亂瓦甌烏菱香數家
鰕菜市一鏡菰蒲鄉窺籬髻姪姪垂幕天滄浪風弱減
帆腹月黑攪客腸沙行迴雙篙打起雌鴛鴦

村社

東風駘宕搖香陌楊柳深青杏微白社翁昨日神雨飛
整整斜斜灑溪碧農家燒紙古樹下烹鯉魚羔獻醪炙
赤脚槁項互拜起蠻絃漁鼓交撐搗村巫降語神壇前
社翁賜爾多禾麥來甍早晚穗兩歧黍稌高下畝十石
原蠶作覘盡如甕老特生兒能駕軛鵝鴨將雛鷄養孫
翻飛隨母聯千翮翁前媪後領神語送神入廟張筵席
遮邀隣里雜嬰穉填溢不憂茆舍窄長瓶瀉酒連百觥
大肉堆枰橫半尺留賓掣袖氣粗豪拒罰覆杯聲嗑
夕陽射地潑眼明蹒跚人影相扶掖村巫得胙亦歸去
神語吉祥歡滿室敕兒當戶貼蠶符斫竹連宵樹雞柵
旁修豕筮築牛宮圓困方鹿皆增闢整待今朝神語驗

明年社日重呼客

觀打魚戲爲鷓鴣歌

鷓鴣鷓鴣巢高木張口吐雛連五六睜睜碧眼玻璃明
稜稜長喙鉤鋌曲野人椽網橫覆車鰭沙兩翮不得舒
鹿角腥涎養馴熟朱繩繫頸來捕魚湖波吞天一葉舞
野人指搗若部伍鷓鴣穿浪疾如風水面迴篙棹飛檣
戲鯉游魴驚失次拏髻磔尾萬魚逝翻身入水追亡逋
搗鼓船頭助聲勢大魚鱗脫紅肌摧小魚半死盈艫堆
鷓鴣鼓翼潛龍吼貪殘嗜殺神所猜野人捩柂斜陽墜
論斗賣魚謀一醉鮮鱠遙看藿葉香輕刀細剝春葱脆
鷓鴣鷓鴣垂頭斂翅上茆屋一寸鱗鬣不入腹

偶興

涼氣生高原簌簌響疎雨雨過林麓淨東風蕩飛絮遠
水沒青天綠霧漲深樹斜陽入孤村小橋引微路偶來
把釣竿獨坐澹孤慮鬚眉染溪碧衣袖滴花乳野鳥不
驚人銜魚自來去

旱

廣澤沸斗水鱉鳧魚尾頰草木半焦卷枝脆葉不榮不
惜草木死但憂蝗旱并借問荷鋤叟可能傲秋成父老
仰天歎赤日輝銅鉦土堅錢鏹斫地如攻城城堅尚
可穿土堅絕難耕日行舍東井農事尚未萌豈敢騁惰
窳雨澤慳珠瓊血流觥觥蹄耳攢桔槔聲剡剡田中秧

化為枯著莖

勿播糖粬種勿畊蠓螺田高原堆塵塌下隰渴水泉火
雲煽地赤日鏡飛上天嗚嗚溝車響口鼻焦生煙昏暮
不得息蚊嘍劇饑鳶足腫破流血腸直鳴燥絃村媪筋
力朽候水水埒邊濁漿不入土土塊瓴甌堅列畝兮兆
坼新秧黃髮拳蓋覆無贏粒衣破頰兩肩鬻女豪家門
涕下如蛟涎何時淚痕斷挽取天河湔

租牛行

今年旱何甚赤地艱插蒔西隣舊豪家牛困新修治小
姑脫銀櫛大婦典羅襦平旦驅牛歸濕濕犉與犁東隣
活計少麥種無留遺老妻共力作骨出如枯龜子本勉

稱貸租牛鑿牛池牛肥四蹄健牛瘦兩角觭隨牛上車
盤車壞牛行遲揮鞭向日暮人牛同時饑歸來困倦極
解衣看牛齧半夜還岸水哀歌摧心脾亦有無牛家中
田生嘆推淚滴深眸膚灼攢癩胝踏車鼓聲歇呼兒
呪蛇醫

向夕

葭莢荒荒白汀沙漠漠黃草聲飛蚱蜢巷氣下牛羊風
入書翻几瓶香酒過墻檐牙西月掛囹圄抱晴光

夢中作

木脫清秋夜湖頭捲釣綸鳥驚風起樹天遠月低人舟
小真如葉波輕碎似鱗箋詩還註易宿世是玄真

過白坊村居訪奚大蒙先生

放棹前溪去閒尋隱士村水枯魚汕出門破鹿籬存麴

部狂堪吏中書老欲髡愛君吟好句詩酒有乾坤先生誦其近詩

有鬼神無禍福詩酒有乾坤之句

耆舊今凋謝如君復幾人破家團死士屈首老頑民腸

斷西臺哭心甘北阮貧鳧鷖煙水裏長寄肆閒身先生自號肆閒

應總制永寧于公檄讀書虹橋書院過別周二

備五不遇却寄

湖舩昨歲我訪君烏臼丹楓踈樹纈竹箐塘邊風射眼
波穿石罅聲相嚙膈膊敲門如啄木一笑握手屐齒折
北牕瀟洒置我坐荷囊四壁書堆壑是時景候逼重九

舊藏昨夜浮梁酒玉琰凹心黃菊沉銅餅皤腹紅黃瘦
酒酣起舞君高歌擬拔鯨牙制妖豨迴船衝破陽山翠
磔磔驚禽叫衰柳差池冰塊融春濤香浮水面開蘭苔
君偶修琴來訪我寓齋深鎖雙芭蕉吳淞煙水剪刀澀
素鱗只尺不可招夢裏時時誦君句屋山雨響風蕭騷
行臺文武尚書公拂拭竒雋加磨礪十年空望昌黎斗
一朝溷廁龍門桐脚裏行纏背籐笈蒲颿欲趁長干風
叩君北牕與君別鷹門但見林檎紅離緒填腸千萬結
獨依淡日穿林樾密樹鴛啼驛路煙落花人蹋春泥雪
行行取次到江城漫天芳草清明節遙憐竹箒塘邊人
清尊同映秦淮月

于清端公挽歌辭四首

冠代推良翰宗臣竭匪躬人思排魯直 帝意重羊公
吳楚山川險東南杼柚空公來如父母兩稷奏年豐
清切尚書履崢嶸御史冠赤丸潛解黨墨吏自隳官禮
樂風初變龍蛇夢頓殘哀榮真不媿巷哭奠壺簞
帝卹韋丹後天知胡節賢易名榮冊府遺淚灑茆廛竈
有生魚釜家無養鶩田他年經舊里下馬記荒阡
曾廁門生後俄纏梁木悲櫬歸千里驛人哭萬年碑勲
伐銘鍾鼎精英控尾箕長干哀輓發風雨擁靈旗

題寫生月季花

畫裏紅香刺眼開藥欄依約手親栽一年檢點無多事

贏得看花十二回

題楊子鶴沒骨芍藥圖

少保家藏芍藥圖伯鸞審定字模糊調脂重寫春風面
不向南唐殿裏鋪

金絲桃

寶索桃開萬樹霞多於朱草賤於砂玉卮孃子耽閒事
更爨金絲製好花

梨花下偶題

小閣香殘有所思珠簾犀押向風吹梨花路繞青山遠
正是馬嘶郎去時

徐臞菴將之江都索予贈章率爾應之

佛火香龕借半弓茶煙微颺鬢絲風衣冠古有方山子
吳越人稱桑苧翁桐葉堆成三徑黑榴花開到十分紅
送君徐上蘭橈去載酒雷塘弔故宮

贈金亦陶

盡日鈔書深掩關階前松菊照襟顏幼安身外藜床在
貞白樓中蠲屐閒調水符靈泉味潔遞聯竹細粉痕斑
東吳猿鳥依然笑猶有遺民守故山

菊屏

屏風一曲鬪清妍冷冷疎枝漠漠煙花發賽裝金屈膝
葉濃爭點翠連錢日斜影障烏籐几雨濕香銷白雁天
移向菊樓樓畔去畫圖只欠子山篇

不學豪家障紫絲，冷香把作畫屏施。閒隨夜月數花影，
醉倚秋風題楚詞。野蔘織簾捎硬葉，官梅籠帳出橫枝。
此屏合與成三絕，長對柴桑飲酒時。

哭姚嵩陽先生

舊識重占歲在辰

先生歿於戊辰之冬

難糠志節最悲辛，堦前書帶

經霜剪，架上經橈觸手新。廟祭有兒留已已，墓銘無字

刻壬申

先生無子以族人子為後

平生謬荷傳秋駕，宿草傷心似隔晨。

山行雪作繫舟錢家坎望梅花三首

輟棹初山行，石徑敗葉戰野梅。迎我笑嗟然，齒玉見高
花扶杖，開低枝。妨帽顛，清香釀濃寒。西風劈飛箭，點點
雨裁落，蕭蕭雪作片。玲瓏綴鄂不，毡毳散籬。援緩舞響

瓊玖急陣排，鵝鸛柯榦折。杉梧勾尖凍，藜莧撥路投。舟
中輕冰膠水面

天色黯死灰，際晚雪併下。嗚嗚轟千峰，鱗鱗錮萬瓦。凍
鳥聚啄冰，僵木散披稼。曲岍覆坳突，破篷粘漏罅。束篙
生戟牙，窄艇閣湖汊。村荒人語饑，風弱旗脚亞。穉子沽
香醲，盧頭出新醅。逃黃割嫩畦，魚白芼鮮炙。把琰延清
景，看花得竒夜。仙雲擁縞袂，白鳳參羽駕。落蕊拂瑤簪，
乘月下煙榭。漫天香霧濕，揆眼寒光射。明發入深山，整
具雙不借。

東風流水村中有，萬枝樹瘦影立黃昏寒。花着煙霧天
公施妙手，花雪迸掀舞。雪止花倍明，洗妝美無度。素貌

玉人雕矯痕，懶髓補冰心。捧微顰瓠齒，愁病齟齬斜。瞰缺月，嘲晰怨翠羽，欲招斷腸魂。乞作判春語，脉脉終不言。暗香濕芒屨。

題支硎法螺菴

山翠墮幽澗，林花洗微雨。衆鳥忽已寂，明月在高樹。幽人尋鐘聲，蘿徑獨來去。

虛堂冠孤岑，星漢瀉如掌。寒花入幽夢，白雲寄餘想。暗覺風雨來，杉梧厲清響。

韓學士山園宴集四首

支公留隱谷，學士結芳園。花氣通梅市，湖光接范村。羣言宗海嶽，雅好托琴尊。喜服休聯句，空看石鼎溫。

地窄池休鑿，花繁客自過。開樓留月住，斫竹占山多。障畫蘇門嘯，詩題謝墅歌。藥欄蜂蝶影，拂拂颺簾波。柳外歸遊艇，樓頭坐夕陽。竹團侵几濕，花匝益杯香。送老憐佳節，耽閒試樂方。聽歌還起舞，纖月已窺牆。檐前張翠燭，石畔置銀瓶。軟草三重席，高花五尺屏。杯深傾碎月，夜久數流星。歸路渾難辨，波平荇藻青。

石榴花次吳慎思韻二首

塗林千樹爛晴霞，曾識歸來博望槎。嬌女總憐朝插髻，詩人獨恨晚開花。珠簾淺倚紅裘醉，翠幕深籠絳蠹斜。最憶黃梅微雨候，丹鬚香頰亂週遮。

懵騰醉眼認朝霞，移植應從仙老槎。寶氣網收滄海樹，

生枝猩染玉屏花風前乍嫁紅巾軟霧裏遙褰紫障斜
怡悵東窓魯女住珠簾面面向明遮

次東坡清虛堂韻送鮑大孝一入都

黃昏星出紛撒沙人語澀喜喧蜂衙惘惘遊子出門去
雙橈暗撥菰蒲花鞞鼓撤響罷漁市布帘曳暝攢酒家
迴篙纜紵蔭古樹樹梢擘翼翻鴉羨君史筆擁鼓鐸
鞭笞百怪羅天葩條派義例破瘖瞽披擗突與嚴梳爬
氣銳手張白竹弩味長喉灌紫筍茶會登石渠獻議論
不着單絞狂摻過中歲作惡厭離別苦語欲吐銜咨嗟
碾空明月照我膝引領北望烘頰霞

再次前韵却寄孝一

白籐穿笈衝風沙趨程奔迫如趨衙道邊亭堠冷笑客
饑腸日午眼作花前月此日讌君處紅蕖四面遮人家
野鴨斜飛沒菰蔣垂楊打浪鳴慈鴉銀杆朱鬣催飲酒
旁有墮髻容仙葩新詩激齒脆似竹快辨折角癢得爬
今君席帽走輦下肉埋飯甕酥煎茶蟬聲萬樹曉跋馬
珊瑚馬策當風搗丈夫壯大屬有事塵土摧剝還堪嗟
倒床搯枕不能寐星河瀉地瞰朝霞

次韻荅日容秋夕醉歌

江城千雉秋雲鏢匠門一角斜陽墮張也灑掃蝸牛廬
壺尊爲右圖書左未能跋浪凌滄溟自要深杯澆坎壈
醅頭酒熟奔渴蜂壁竅虫鳴呪土嬴琰推蓮子鬪分曹

鈎傳黃菊拈殘朶蟹螯斫雪白紛紛橘柚搖霜綠髮鬣
郭生年少誇翩翩顧子頽唐亦頗頗詼諧弄筆責奴髯
游戲斯文誚奚跛顧我常戒賀若錐當筵敢學彌衡裸
匿影恒比尺蠖屈外語還防箕舌簸貧家本住千花村
秣米行收萬珠顆鷄豚作社舊曾偕羊酒講婚無不可
辭君却棹漁舸還解幘橫當波面坐青山盤髻冷看人
白鷺刷衣閒候我好携箬笠採蓴鱸長與憂煎脫纏裹
再和研谿先生紅豆詞十首

菱歌悽絕怨將離擬托瓊枝贈所思海豆三分纔放蒞
護花鈴響掣紅絲
花垂紫蔓捎雲脚子結紅珠點樹頭好似曉鶯殘睡裏

辟宮牢鎖玉人愁

碧竿丁字颺西風入眼相思一樹空玉合試開瀾瀾舞
蘭膏長漬指痕紅

蓮花旋好催方出鈿粟釵輕墮始知淚裏紅綃題小句
錦兒標格賽香兒

玲瓏寶篋排方勝煖豔釵梁嵌合歡宴罷紅雲翻一笑
袖携絳雪勸君餐

龍月相逢餌絳紗歸來宮樹隔雲霞寶兒夢作虞郎婦
迎輦羞持合蒂花

藤長臘支竹曳絲傷心重似落花時銀牌空認紅兒樣
錦襖羅囊別付誰

佩珠螺女泣秋風寶母潛輝葬水宮願屑女珊瑚樹子
返魂添藥拜仙翁

結子開花應劫灰頻來問訊破蒼苔玉山也是風流藪
要乞紅珠一顆栽

載酒門多好事人輞川樂府重翻新興奴絃索紅孃舞
勾當東風一番春

乙未亭詩集卷二

乙未亭詩集卷三

長洲 徐 昂發 大臨

櫻桃

華林三百樹樹樹醉東風碧葉撐濃蔭繁花映綺櫳梢
簷旋結實接徑不分叢火齊凌空出珠丸逐彈通日烘
憐照灼擘捧瀉玲瓏千子香屏上雙株寶楯中珊瑚沉
網碎鸚鵡啄枝紅設筭陪嘉會黏蟬感化功忍將烹杏
酪好與伴郛筒味愛酸甜足圓看朱紫同蒲萄餘寵濫
唐人呼蒲萄
爲賜紫櫻桃橘柚故恩空破夏宜嘗麥驅禽欲約僮莧腸
愁內熟鰲面覺朝融不信長安客銀絲絡馬駿

宿麥秋初逼含桃節正催枝低看密綴籠滿喜新開煖

乙未年詩集卷三
一
豔霞成實紅酣蜜有胎千絲垂綠綫萬顆綻蘋瑰珠向
圓時摘鶯從熟後猜醍醐通臭味琥珀與根芟豆擬香
膏漬砂慚勻漏來北村盧是妾南國橘非魁雅稱冰鹽
貯珍和玉果栽梅青諧酒伴笋苦聘茶媒粒粒星芒動
叢叢寶氣焯張筵須及第饕腹不論才鳳食終難待酥
煎覺太摧南園朱實盡濃葉似雲堆

櫻桃忽已熟圓實自龕鬚樹重三春暮園添一味甘瑛
盤盛不覺火貝比猶慚清廟常蒙薦黃鸝欲諱含明珠
齊結珮紅玉半抽簪朝倩詩人荅遊應謝客叅風流頰
薄怒意態恃沉酣曉露枝枝滴晴霞樹樹函豔休論赤
柰酸擬笑金柑愛惜鋪魚網遺投仗竹籃匙抄嫌鹵莽

樂天詩是
抄半是津
蜜擣似饒貪異種兼黃白佳辰趁麥蠶香脂曾
借妓小字亦分男底事評諸果差排作第三

虞美人花三首

楚宮殘粉帳餘春倩得司花爲寫真露浥明妝垓下淚
風欺嬌靨帳中人纖枝映月當庭舞瘦影臨池滿鏡顰
疑是香魂銷不得暗隨亭長渡江津

重瞳霸業已成塵何事繁香獨愴神兩戒江山餘百戰
一叢花草泣千春湘絃調咽紅妝斂楚袖風搖碧葉新
聞道漢宮尤寂莫影娥池涸出青燐

騅馬聞歌逝不迴虞兮底事却重來低茸綠挽斜風入
豔蕊紅遮曲檻開三戶已銷亡國淚一春空辦奠花杯

招魂尚有江頭墓香粉偏憐蹋作灰

玉簪花

曉涼初見一枝斜露似真珠霧似紗玉燕倒銜髮鬢髻
粉鸞新啄步搖花風流欲就佳人手遺墮難尋內裏車
最是未開時節好幾層濃翠護瓊牙

若爲採折寄紅樓簪罷花枝作冶遊映水看粧搖鈿粟
背人藏影露釵頭垂鬟新樣三層插卸鏡餘香半股抽
記得帳中花是夢明朝重認玉雕鏤

黔中詠有序

吳江赤霞吳子歸自黔中出黔中詠示予讀之慨
然而歎感尹珍之篤學莊躋唐蒙之已事與夫尼

俗之荒怪因和而補之凡十二首俯仰千載覽者
或亦有感焉

莊蒙

莊躋滅夜郎因留王滇池一綫熊繹後猶足君蠻夸豈
知秦鹿失乃爲囂佗師

竹王

豚水三節竹荒怪不可詳南夸君長百竹姓獨得王玃
玃吹蘆笙年年賽三郎

唐蒙

竒兵下牂歌法當如鬼疾伏波已破越夜郎兵不出棘
笮徒騷然唐蒙策竟失

尹珍

吾愛尹道真自斬生炎荒北從應許學卒用經業昌蛾
子尚時術不學悲面墻

濟火

朱褒反牂牁高定叛越雋扶義得濟火前驅駕鞭筆至
今羅甸王廟額照江水

關索

關索壯繆子名與嶺不磨豈伊史官闕無乃蠻語訛嶺
邊山呼響昆蹄上坡陀

顧亭林備錄關嶺
獸多熊鳥多山呼

聖婆

南登岑樓山卻訪聖婆井井水深不測竹林風日冷傳

聞九股苗尚怖裙幟影

郭青螺黔記聖婆至岑樓山渴甚以杖卓地
得水植竹成林土人嘗拾得聖婆裙與苗戰

揭以為幟
苗輒敗去

黑神

黔記忠烈廟祀南
霽雲即今黑神廟

粵巫祀黑神云是南開府禦火猶殺賊火作神靈雨南

明河水邊迎神鬧銅鼓

土人傳南明河
水鳴輒有火災

奢香

烏蒙赤水道置驛由奢香羅鬼固可化好殺終不祥咄
嗟兩女子遂坑馬闔王

張猷

神仙果有無斗篷跡荒怪空山作影堂瓢笠竟長邁絕
笑驪山母殘碁不放敗

平越山石壁
有張三丰影

葛鏡

杠梁本王制後世不復修麻哈江水惡欲渡行客愁葛
鏡彼何人名與橋俱留

平越有葛鏡橋
跨麻哈江上

韋番

七蕃有韋氏實祖韓淮陰匿孤寄尉佗蕭相謀最深參
夸終已矣完卵尚傷心

泊舟虞山下曉起

筏舫輕如葉鷗邊一枕寬滿湖芳草綠清夢曉鐘殘暮
幕煙籠日鱗鱗水漱灘百錢租軟轎花徑露微乾

西城

欲識西城道樓臺一萬家湘簾歸乳燕羅幃擁輕花柳

弱才勝剪蜂狂不上倚晚來遙望處雉堞雜紅霞

山塘涇

堤畔金沙軟橋邊畫楫長修眉山約黛薄面水憐香柳
影搖裙摺花鬚禪髮旁遙看雙翡翠穿浪入斜陽

吾谷

獨來空谷裏心地頓脩然萬樹雲梢直雙谿雪溜懸木
花浮水下杉鼠墮人前記得尋霜葉朱霞掃碧天

拂水山庄

輕風楊柳斜日鷺鷥磯草嫩粘鞵綠花濃掠鬢飛嘶
香停寶馬防笑障羅衣樓上分明語春空喚月歸
最是春深好紅香一徑通隔花迴小步却扇受輕風戲

五言詩集卷三
五
蜨翻羣上游魚出鏡中夕陽人散後殘夢拾金蟲

興福寺

連峰忽斷處一徑入禪關樹老長巢鶴泉清不出山石
幢文字碎經閣鼓鐘閒日暮雲封谷空看飛鳥還

頂山寺

古碣文訛闕荒祠氣窅冥雨工扶繡纛螺女倚銀屏馬
蹋靈雲白人歸杜櫟青風雷初解後潭底宿龍腥

遊仙曲題仇英畫卷

曾樓十二蓬萊東瑤題玉柱蟠虛空矸光藤紙裁香葱
神電扣額進綠封荒忽似遇雙髻童巖頭三撞碧玉鐘
金環脫鑲春雷碯洞天如鏡磨青銅仙人曳珮搖琤琮

予綃罷織遊璇宮藕花裙映粉綬紅騏驎擘股釵分茸
王母一笑迴春風鳳翎啜雨絳雪融雙成卻倚石壁松
冰蠶絲脆張桐峰誰其聆者顏芙蓉約腕條脫輕紗籠
玉卮廣東翻驚鴻遊戲下捉五色虹寶屏百丈瑠璃烘
紅輪翠箔相鈎通蟾蜍銜月緣牕櫳瑤溝鯨吐金屑淙
下有騎鹿長耳翁曉畊琪草驅飛龍從乞一琰流霞濃
歸來牧石深山中

三日北園修禊分得三字

碧山雨洗開晴嵐勢若天馬行驟驪香搗繡鞞盤舞處
一園草樹圍花莽莽中主人盛文史手板初擲休朝叅
忘機自要隱郭北著書還欲欺征南愛此佳辰及元巳

招携朋好來游探海棠花睡膩似面楊柳葉放長于簪
碧雲半堵障虛牖銀奩十丈迴清潭捲簾看山山欲笑
爐煙出戶拖微藍石窪承酒客未坐黃鸝細語請已三
廚傳羹香煮玉葉洞庭釀貴傾黃柑槍旛互出屹成敵
臬盧豪叱中所貪韓門賓友文字飲謝家羣從風雅諳
灑灑奔流漲澗堂堂摩壘橫戈鏃自愧孱弱類小國
敢攀齊魯儕鄒郊撲欄花香舞蜨醉入池酒氣游魚酣
初月半破掛西嶺星星遠磬來僧龕低檐競宿避鸚雀
高松時竄窺人鼯漏板頻催客逕去夢回齒頰餘清甘
剡溪詩卷尚可把魏堤伎櫂何當慚幾時深杯酌婪尾
笙歌重擁果下驂

燕

杏酪凝香春日遲舊巢塵暖倍相思花穠柳碧村村入
雨暗風顛兩兩隨公子乍逢憐婉婉黃姑重別怨差池
珠簾不捲紅樓閉多恐歸來已後時

合歡宮畔莫愁家幾番歸來識歲華風逼身爭狂絮影
觚香泥和鬱金芽細溫舊語穿紗幕小蹴輕波漾鏡花
最是巢成秋社到燕雛分背各天涯

桃頰紅酣柳絮輕翩翩雙燕自縱橫當風斜挽穿花尾
衝雨遙喧哺子聲巢靜夜窺收畫鏤泥香晝墮打銀箏
誰家大廈容長傍怎羨柔枝坐曉鶯

競渡詞 并序

五月三日顧漢魚于克俠君兄弟置酒舟中邀同
金子亦陶黃子憲尹俞子旅農尹子又黃鮑子孝
一張子日容由胥門歷閭門至聖唐灣縱觀競渡
作十絕句記之

團扇單羅五月天鴨城南北柳垂煙衝波小艇輕如燕
載得筵侯上畫船

小海歌翻動碧虛龍鱗畫舸鬪清渠吳兒自要誇身手
爭向潮頭迎伍胥

兩岬花枝刺眼新水嬉作隊鬧江濱倚船却共清波語
照見簪花樓上人

踏浪舟翻畫舫東香如雲碧着簾烘推簾競看蛟螭影

艾虎連釵落水中

聖唐灣裏駐雙舸小雨如油濕碧簑猩色折枝花下坐
綠珠弟子和新歌

羣羣翠鬢鬪春鴉畫槳相銜壓浪斜莫道分明看未得

湘簾如霧不藏花

日容在坐得句云隔船可許分明見
五尺珠簾煙雨封予戲作此轉語

珠簾繡箔夾西東自占閒鷗一片風水面迴篙船尾轉
笙歌搖動綠煙中

顧家弟弟總超羣閒製新詞教舞裙携客水窓吟眺處
棋枰酒壘各成軍

壘板頻催碧玉箏畫船却載米家榮水雲乍起半江綠
疎雨斜侵落拍聲

新蒲交翠翦羅衣燕子窺人撲面飛樓上碧簫愁欲暮
滿江風雨畫船歸

擬意

塘澗搖明鏡山橫曳畫簷雨餘煙態弱霞末日光遲拾
羽鸞裾出探珠桂楫淹攏船颿不定倚柁浪初恬斜颭
茱萸帶頻推玳瑁簾寶鬢臨水動蘭霧隔紗霑鸚鵡排
香鈿鴛鴦踏曉奩金錢輸面貴繡襟約腰纖髮蔓牽雲
護釵魚鬣翠筠襪希微步見語愛送聲甜唾碧防人拾
囊香背手拈淺顰愁月破媚盼割花鋸妙迹蠶書展嬌
痕懶髓粘扇緣障笑舉麝爲殺寒添豆蔻留心寄琵琶
選夢占袖垂花妥妥果暖玉摻摻忍妬知遙恨驚藏托

小嫌蓮絲收滿把犀暈照通尖槎轉天河失橈分貝闕
潛沉沉搗暮鼓寂寂報郵籤羞對連枝錦虛傳比翼鷓
思翻春後絮味攪水中鹽難借乘風寇還尋拂策詹舊
題逢石闕私識祝銀蟾顛倒移箏柱曹騰側帽簷春詞
數番紙薤葉印文鈴

嘲燕

底事雙飛燕相逢巷陌西烏衣辭舊國金粉歛香閨杏
好雕梁在蟲穿故壘低徑翻羅幕入旋拂網塵棲得草
斜陽岼尋雌菴畫溪舞能欺翠袖語是怯黃鸝未遂投
筐願徒蒙啄矢詆藥欄捎蛺蝶沙路溷鳧鷖織女何曾
見王孫且莫啼釵頭從穩借掌上欲輕携屢誤佳人繡

偏污粉筆題弄珠驚桂棹剪爪妬宮奚那有雲霄慕多
防鷹隼睨低徊青瑣閣流宕白銅鞮養子長諧偶成家
不浣泥尾雖矜涎涎身自覺栖栖戊己長勞避炎涼詎
得迷倚人門戶熱歸去莫酸嘶

赤鷹

盲風攪野日暹暉頑雲結塊天無威叢祠幽黑狐狸語
鬼車接翼盤天飛引怪徵妖聲格磔嘻嘻出出收人魄
寡妻夜哭連舍空莽楷茫茫燐火碧瞥然捕逐來赤鷹
金眸眩轉如流星六合清泚霾霧掃蒼鸞神雀賓王庭
誰知覆手生禍胎翦鴿囚送空山哀赤鷹銜淚鸞鳳弔
訓狐地下遊魂笑

颶母謠

南海南東海東鯨鬣刺天魚眼紅東海東南海南馬銜
掉尾龍伯貪海賈椎牛開巨艚颶檣十道凌空展怒水
高春霹靂颶勁風倒掣長潮轉帝儵鑿島呀雙門旋渦
撇柁投蠻村礮雲怪雨頃刻變寶氣紫赤搖山根洋中
技巧勝吳蜀器雕花朵裝珠玉曲房蠻女十五餘微露
塗肌初出浴翠髮雲披頸粉搓栝傾三勒顏微酡屏山
入夢春不曉錦綾萬段酬蠻歌戾言駟會工欺侮裝橐
勾稽十失五鮫宮鼉窟悔往來發憤銜羞作羈虜鼠變
虎蝨化牛天道荒忽非人謀君不見嘉靖時並海村厖
噤不吠暈光如血颶母起射潮強弩屯千里

集俠君秀楚草堂分賦得雞冠花

粒粒丹砂露未收
毳毳靈羽颭枝頭
花冠似火難燒壘
絳幘如雲罷報籌
海外真珠真珠雞名聞入貢
淮南神藥笑
虛投牙牌名字千餘種
暫比尸鄉過一秋

題蘆雁畫幀二首

空濶來悲風折葦互枕籍
朔雁引其雌哀鳴飛欲下
霜草屯荒原河聲鼓斷汊
稻梁不可期毛羽安用假
蕭瑟看粉墨黯慘傍昏夜
稍稍依蘆根嗷嗷啄殘糲
豈知江南路鵝鴨飽秋稼

江雲黯如墨雪花大於掌
磬磬羣雁鳴獵獵枯葉響
聚唼占遙汀孤飛掠平莽
我欲投江河老作雁鷺長
漁村

斫雪出寒光

卑病切

烏榜手敲銅斗歌
雲水倒下上竹弓

瓣麻蒯射雁向菱蔣
撫此苔雪圖風塵厭羈鞅

三月三日尚書公主者
年之會禊飲於遂園用

蘭亭字賦詩二章羣公屬和因命繼作

禊日風光泥徑蘭名園
歌馬集衣冠謝公絲竹穿雲出
裴令亭臺瀉鏡看三郡
論交霜鬢滿百年行樂酒杯寬
請公莫放鶯花老
暎月重教拭玉椽

翠巘斜北結紅亭
水是疎簾樹是屏
絮點入池魚聚唼

花香膠去聲

盞酒難醒節當參
伏初三日人比孤
南第一

星洛會至今六百載
重將粉本傳丹青

讀陳仲天啓宮詞四首

小殿花開覆玉除御前刀削嵌璠璵考工曾是周家法
誤作興王半部書

金烏過翅向西流符瑞翻傳出豫州角亢三更收寶氣
秦時玉璽進彤樓

幾座銅缸鑄海鰲設機激水噴銀濤閒雕鶴卵圓毬子
拋擲波心五尺高

講幄生塵玉座空君王運斧捷於風誰知鈞黨中原禍
大廈將傾慟國工

首冬同汪大武曹汪二右衛顧四有常張三日
容吳二荆山集顧十一俠君秀埜草堂醉後有
作

翠竹紅橋五畝間盍簪佳會啓松關釀荔小圃駢頭橘
簾透西城半角山心許澹交廉慶上文追良史固遷還
夜深寒月侵池畔水底沙如篆籀斑

飛揚意氣未磨礪五嶽峻增方寸中草木尚生無患子
男兒那作可憐蟲逢花茗芋爲愁飲結柳逡巡歎學窮
至竟文章成底事莫臨遼海哭秋風

畝無卮茜陸無羊醉裏時時強激昂憂國願增除爵法
讀書先檢作金方凌雲才調開印符結鞅聲名重廟堂
何事范家賢子弟妬人輸貨買齋郎

擬依招隱製新詞塞嘿低頭只自思綵紱千條裝趙勝
黃金五尺鑄鍾期馬看如狗鳴珂早劍定成龍出獄遲

不相蘭筋占斗氣可憐得失竟誰知
茫茫四海欲何投造物憎騰醉不休蠶出越孃絲箔盡
珠空泉客血痕留月中田地應無稅天上官司也自愁
俯仰人間真偏仄羨他猿鶴北山頭
翻雲覆雨鬧朝昏世路崎嶇那可論十惡聲名憐賈島
三期賢佞換王尊決機寧怪心難鑿傳法休誇舌獨存
珍重今朝車笠約人生風節要先敦

泛塊壘湖作

東風宕遊絲殘雨洗紅藥天罅漏晴光櫛牙噪春鵲隣
曲走招邀村梓相斂釀迴篙舴艋輕劈岬鯢躍野花
翠于眉水葉圓如杓桑巔出斜梯竹頭編短釣蚶田放

鵝鴨蟹椹遮蒲弱折權入蒼茫澄湖蕩寥廓晴煙泥楊
柳碧淪搖巖岬牽檝藻凌亂唼影魚噉嚼洗養中流深
清激隨淹泊濕銀注晶奩皎鏡磨菱萼瑠璣忽崩嵌荒
怪互搗霍水仙蓮瓣長鮫女綃珠薄閃閃舞桂旂冷冷
漾風鐸粘天遠樹垂擁施春雲弱掀浪日鱗鱗漱石沙
焯焯濱湖土阜高生壙阿瑛鑿老鐵許文章迂倪伏標
格映浦抗煙榭挈空曳翠箔石床倚題詩紅頰侑踈酌
風流渺不還名勝空如昨澹沱夕陽斜紛騰野炊作碧
岫稍鋒沉紅霞魚尾落捎月樹蒼蒼綠陂蛙閣閣篴窗
穠露泣酒面輕颺掠吾生貴適志茲出殊不惡摻袂謝
同遊雞豚固前諾

遊支硎山

駘蕩春光暮山行一徑佳穠花高過杖碧草短於釵雲
弱當谿墮峰明對鏡排黛看遮畫扇齊試蹋青鞵
籃輿香徑裏畫舫碧峰前人似初三月花愁百五天好
風吹紫袷新酒買紅纏佳節慚輕擲心依落日邊

代贈

楚楚江頭步生綃試薄衣芙蓉抽帶窄蛺蝶映裙飛淺
占東風立閒隨落絮歸春光從遣撥莫自損腰圍
拍響清歌發瓊鈎蕩瑣窗花濃蘭吐酸柑熟蟻浮缸瀾
瀾元相匹芙蓉本作雙如何一寸地天上望秋江

送韓慕廬先生還朝四首

碧山學士住鷗庄高節清名在廟廊十載歸田諧木石
一生報國托文章交無洛蜀同迂叟坐有琴壺比漫郎
昨日鋒車丹詔下聖恩未許戀鱸鄉

天語臨軒注眷深故山那易說投簪制麻倚待撐霆筆
酒券探支掃閭金佳士姓名長挂口好官階級不關心
只應銅井梅花路歸夢悠揚寄短吟

支郎山下小紅樓屢奉招携喚竹兜唐榻雷琴銷晝靜
籩牀鼓杖記春遊劫棋幻局看除目鬪酒歡場算曆頭
比似東山應更好吳儂指點說風流

馬帳霜栖破絳紗獨承鸞詔入京華悲看南國張蛇弩
哭向西州叩馬搗紫閣黃扉新雨露清泉白石舊煙霞

侯芭載酒玄亭畔準候歸軒掃落花

題秋湖放櫂圖

秋山倒影翠生香人立湖頭黯自傷
紅蓼岼枯花吐白綠楊村老葉飛黃
輕雲擁棹隨天遠小雨敲篷入夢涼
欲採芙蓉將遠意西風朝夕下寒霜

贈虞山楊子鶴二首

圖繪南巡 御敕宣金橋三絕繼當年
就中最有吳生

筆遠水含風樹出煙

南巡圖中草樹溪水皆子鶴主之

抽思迴腕與靈通妙筆傳神阿堵中
試向生綃尋派別衣紋出水帶當風

乙未亭詩集卷三

